

MADU MIDANG



Borneo Literature Bureau

MADU MIDANG

ANDRIA EJAU

Gambar digaga

HARRY ANDING

Madu Midang



SAR00023856

PUSAT DOKUMENTASI MELAYU
DEWAN BAHASA DAN PUSTAKA



BORNEO LITERATURE BUREAU

© BORNEO LITERATURE BUREAU, 1967

PERPUSTAKAAN DBP/SAR.	
No. Kelas:	
No. Perolehan:	12288
Tarikh:	T.T.

Dichelak

CASLON PRINTERS, LTD.

HONG KONG

JAKO PENGARANG

SABARANG KE udah macha Bup jerita ti dikumbai **Dilah Tanah** tentu udah nemu jerita Tuai Rumah Engkaul enggau anembiak iya ti dikelulu ka dalam jerita nya.

Nyadi dalam Jerita Kelulu siti tu, anembiak Engkaul udah bepechah pendiau laban penemu sida sarumah mansang beserekang enggau pangan, nya alai enda ulih gempong Tuai Rumah Engkaul agi. Ari nya sida sarumah nya bebagi dua. Sabagi mengkang ngelapong Engkaul, lalu sabagi nitih ka Enchaboh pindah ngati kadiri ngagai menoa **Madu Midang** tiban Nanga Sungai Kemali Mati di Batang Ubah Nunggang.

Sida bukai ke nitih ka Enchaboh nya, Biul, Ensama, Bujang, Ensingut sereta enggau bala ipar Ensingut enggau Manang Ula.

Nyadi dalam kelulu jerita tu, anembiak Enchaboh nya maioh bendar leman taja tuboh enda maioh. Nya alai bedudok ari jerita gaya pendiau enggau pengawa sereta enggau ulah sida di Rumah Enchaboh nya, ari nya kitai tau nyeremin ulah enggau pendiau mensia ke di dunya tu nyangka bisi tau pulai ka guna kalimpah ari ke ngasoh ati geli.

ANDRIA EJAU

GENTERAN

Telian

Daun

Pun Jerita	1
Pindah	3
Manang Ula Ensera	5
Betuboh Bisi	13
Beranak Enda Chukop Bulan	18
Diau Di Sepital	23
Berubat Ba Ensama	28
Bini Ensingut Parai	31
Berunding Ka Ulit	32
Nebah Radio	34
Jako Gerah Ari Perintah	36
Tungkat Perintah	40
Undor Ka Tungkat Perintah	43
Kena Dawa Perintah	45
Berita Pulai Undor	46
Saman	48
Bechara	50
Ensama Seduai Biul Agi Bechara	51
Bekuli Di Nengeri.. .. .	53
Mandor Jalai Raya	55
Nganti Sungai Enda Beulu	58
Niki Rumah Radio	61
Ngaga Pagar Manok	67
Penusah Manang Ula	70
Biul Ngaga Leman	71
Belaya	73
Beserara	74
Ensingut Pulai Kadiri	77
Makai Selamat	80

PUN JERITA

ENGKAUL KE nyadi tuai sida di Dilah Tanah enda tegempong ka anembiak diri agi, laban makin sida dirara enda diasoh bejadi anak enggau kampar makin maioh-kemaioh ga sida sarumah nya belaki kampar. Nyadi Enchaboh ke sapit Engkaul, enti leboh baum munyi ke ngering ka jako Tuai Rumah, tang ari belakang aum iya besalah adat ke nagang nerima kampar. Kabuah pia, ko penemu iya, laban Engkaul kepapas ka anembiak diri lantang-senang.

Nyau kalama udah nya Engkaul nemu ulah Enchaboh, nya alai iya mai sida sarumah baum. Leboh sida sama udah sampal datai ba ruai tuai, dia Engkaul bejako.

“Ngelamatu aku agi ngelembut ka diri lalu nurut ka ati kita pasal kitai ke enda tau nerima kampar. Adat ke dititih ka kitai ukai adat tumbuh ka aku, tang endang digaga perintah. Nyadi laban aku ke nyadi tuai kitai jam ke diatu, aku enda tau enda bepegai ba adat. Nya alai berengkah ari diatu, sabarang kitai sarumah tu jadi enggau kampar, aku enda tau enda madah ngagai perintah, laban nya tau pulai ka penyalah aku, enti aku neju ka utai ke salah ba adat,” pia ko Tuai Rumah Engkaul.

“Anang bengat bakanya penemu kita ka tuai. Ensepi diri ke tuai tak peneka ati bedawa ka kami ke anembiak,” pia ko Biul nibar ari tisi.

“Amat ko punggal nya. Ila enti kami tak bepekat ninggal ka rumah tu puas endar kita nadai orang macha tungkat. Ukai kita bisi ngelala angka enti enda aku,” ko Ensama ngelaki ka jako Biul.

“Pasal kita ke bisi ati deka ninggal ka rumah tu nadai aku nemu nagang, tang aku ke bepegai ba adat perintah laban aku nadai nemu menoa ke nadai perintah,” ko Engkaul.

Ninga jako Engkaul udah renjan bendar, ari nya jako sida sabuat sama nadai tentu lurus agi. Nya alai aum sida padam naka nya. Sida lalu sama mulai ka diri ngagai ruai diri empu. Manang Ula lalu dibai Biul ngagai bilik sida ngama indai iya ke enda dapat.

Lemai siti udah nya, dia Enchaboh mai Ensama, Biul, Manang Ula, apai Bujang berandau kadiri di langkau kebun. Nyadi ko Enchaboh nganu sida:

“Leboh kitai ke baum lemai kamari, dia kita ninga jako Tuai

Rumah. Kami dua amat mipar, tang aku enggai ninga penemu iya bengat kelalu renjan. Enti munyi ko penemu iya nya, tak nadai tau belaki bebini meh kitai sarumah tu enti enda ngambi diri sarumah. Nya alai aku ke mai kita berandau kadiri di kebun tu deka mending ka munyi runding kita. Laban ati aku udah bisi bendar deka angkat ari menoa Dilah Tanah tu,” pia ko iya.

Baru deka bejako Ensama lalu dilampat Biul. “Aku tak pema, pagila pan angkat deka meh aku,” ko Biul.

Sida bukai ke enggau baum dia sama bela rindu ninga penemu Enchaboh nya tadi, nya alai sida sama salubang penemu deka pindah.

“Ni menoa diati kita deh?” ko apai Bujang.

“Menoa Madu Midang di Batang Ubah Nunggang nyin agi puang, tang jauh bendar kulu,” pia ko Enchaboh.

“Enda iboh ka jauh, amat ga kitai angkat ari Dilah Tanah tu,” ko Ensama.

Lemai siti udah nya Enchaboh mai sida sarumah begelumu ba ruai iya, deka nusoi pemutus runding sida sabuat ke udah berandau ba langkau kebun nya tadi. Uдах sida sampal datai, dia iya lalu bejako.

“Aku ke mai kita begelumu tu bisi utai berat deka dipadah ka ngagai kita maioh, tang aku nyadang kita enda tekenyit ninga jako tu, laban penemu tu itong ka nampong aum kitai ke lemai suba,” ko iya.

“Anang bejako maioh bungai, tak entong ka sakali ngambika nyamai didinga,” ko Ensama nganu Enchaboh.

Nya alai ninga munyi nya, Enchaboh lalu nusoi randau sida sabuat ke di langkau kebun. Iya madah ka diri deka angkat ari Dilah Tanah.

“Sepi asai Engkaul ditinggal ka anemiak iya pindah. Iya bengat enggai meda kampar,” ko Ini Ensingut nelai Biul di tisi.

Apin bejako sida bukai, dia Engkaul lalu nyaut. “Pasal kita ke deka angkat ari rumah tu, nadai aku nemu nan ka kita, laban kitai nadai tau berumah ba ati pangan. Nya alai enti kita tentu angkat, kitai sama nemu pemali rumah, lebih agi baka adat mumpong ka perabong,” ko Engkaul.

Enchaboh enggau sida bukai ke deka pindah sama madah ka diri endang enda nyeliah ka adat. Aum sida tembu naka nya.

Pagi siti sida ke deka pindah nya lalu nyua ka adat ngagai Engkaul. Tembu nya sida lalu belator ngemas perengka ke dibai pindah.

Malam nya Manang Ula tumu mulai ka diri ka bilik laban udah lelak bekemas sahari-hari nya. Datai di bilik dia iya bejako enggau bini diri ngenang pasal sida ke deka angkat.

“Pasal rumah tu ke ditinggal ka ngapa nadai orang meli, enda aku tentu sayau laban ramu endang nadai kayu kering, atap pan udah lama. Tang utai ke bengat kesayau ka aku nya jagong ke baru bebungai puchok ba redas ari ili pendai dia,” ko iya.

“Nama katusah ka nya. Tebas abis ka kejang kitai angkat ila,” ko bini iya.

Udah nya Manang Ula lalu nyungkap tama ka kibong madah ka punggong diri pedis.


PINDAH

JERITA SIDA ke ba Rumah Engkaul di Dilah Tanah dilengka ka naka tu, lalu nusoi pengawa sida ke pindah. Orang ke nyadi tuai sida nya Enchaboh, laban Manang Ula keras ngasoh iya kena nyeliah ka jako sida Biul ke bisi ati deka ngasoh iya nyadi katuai sida ke angkat ngagai menoa baru.

Tiga hari udah bekau nyua ka pemali rumah nya tadi, bala sida lalu angkat. Menoa Madu Midang nya jauh bendar. Terubah ngena perau, udah nya tampong jalai darat. Empat hari baru sida datai. Menoa nya nadai orang nguan laban nya tanah galau perintah.

Sereta datai dia Enchaboh lalu mai sida bedampa betampong. Samoa sida ke pindah nya tadi tujuh pintu nyengkaum bala ipar Ensingut. Tiga hari sida beramu lalu ngentak. Enda lama udah nya rumah pan tembu, semina dinding pantar agi bisi apin tembu. Kemas nya sida lalu manggul sama berumpang kampong ke ari ulu dampa nya. Tembu ngundang panggul, sida lalu nebas bedurok. Empat kali ulang ngagai sapintu-sapintu, tebas pan tembu. Tembu nebas, sida lalu dibai Manang Ula nebang enggai ka reban enda rangkai laban taun nyu nyau. Nebang pan bakanya ga, empat kali ulang, tebang pan kemas. Sida lalu belanggang ka reban.

Sakumbang ke belanggang ka reban nya sida bisi awak begiga. Barang ke bisi senapang lalu pereman ka babas. Manang Ula lalu nampun, laban iya endang enggai putus bubu, enda nyamai nadai



Dampa orang Madu Midang

utai diabas pagi-pagi. Sida ke pereman nimbak pan bulih, Manang Ula pulai ngabas bubu nadai kala lebu.

“Nyamai bendar diau di menoa baru, puas nyawa makai ikan, makai babi,” ko tudah Ini Ensingut.

“Nya lah ini, sida Uchak ke tinggal di menoa lama rangkai ngeli enda makai ikan,” ko Ensama. “Kitai ditu nama enda penyamai. Ikan maioh, babi bisi, tanah alai bumai peneka ati. Leboh ke tabin, Aya Manang ga bisi berubat,” ko iya. “Enti sema bisi surat perintah datai ari ili, aku ga bisi nangkup ka kitai. Sida Uchak ke tinggal enggau Engkaul di menoa lama din nama penyadi leboh surat perintah bisi nuntong, alip buta sida enda nemu,” ko iya nganu Ini Ensingut.

“Agi ingat ga dek ka jako orang tasik uchu?” ko tudah Ini Ensingut nanya Ensama.

“Eh, kabat agi aku jako kitai, enti jako orang tasik nya bekebul ka pansut,” ko iya.

MANANG ULA ENSERA

SAKUMBANG BELANGGANG ka reban, sida nadai tentu pengawa leboh ke udah pulai begiga. Nya alai lemai siti, leboh udah badu makai lemai, dia Manang Ula nat ka diri gali di ruai. Nyadi kelita tin ti selalu dikenai iya di ruai engkah iya ba tisau iya ke gali. Sereta meda iya gali di ruai nya, sida ka mit lalu ngulu iya kia minta tusoi ka iya ensera. Sekeda sida gali ngimbai iya ari sapiak-sapiak, bisi keda gali muak ari pala lalu sekeda dudok semak iya.

“Nusoi ensera aki. Rindu ninga,” ko sida nganu iya.

“Es, kita ka mit tu enda tau meda aku gali. Nyin Ini Ensingut di bilik asoh ensera,” ko iya.

“Tusoi meh aki,” ko sida ngansak iya.

Iya lalu nyengkau buah kuyau deka nginsap. Meda semakau nadai, iya lalu ngasoh sida ka mit ngambi ka bilik. Nyadi tudah tuai lemai nya endang ati deka nat ka diri, udah lelak nampun ka bubu sahari-hari nya. Nya alai iya lembau ensera. Tang sida ka mit enda ulih kenda ka iya. Sekeda maut patong, kedua ngurut betis iya ngicha ka iya deka nusoi ensera ka sida.

Nyadi Manang Ula tu endang nelap enggau sida ka mit, tambah

BAHAN SELANJUTNYA BOLEH DIDAPATI DI:

KOLEKSI BORNEO

Pusat Dokumentasi Melayu Tun Hamdan Sheikh Tahir,
Dewan Bahasa dan Pustaka Cawangan Sarawak,
Jalan Tun Datuk Patinggi Abd. Rahman Yaakob,
Petra Jaya,
93050 Kuching, Sarawak.

Telefon: 082 – 227 000/ 048

Faksimile: 082-227 088

Emel: eborneo@dbp.gov.my

“Memelihara Warisan Memupuk Wawasan”

